



Coláiste Cois Life

Gleann an Ghrífín, Leamhcán

Polasaí maidir le hOideachas Caidrimh agus Gnéasachta

Ainm na Scoile: Coláiste Cois Life SEOLADH NA SCOILE 1 :Gleann an Ghrífin SEOLADH NA SCOILE 2: Leamchán SEOLADH NA SCOILE 3: Co.Bhaile Átha Cliath ÉIRCHÓID: KY78 Y330	Uimhir Rolla: 76065H Uimhir Ghutháin: 01-6211825 Ríomhphost: eolas@colaistecoislife.ie Suíomh gréasáin : colalistecoislife.ie
--	--

A : An Scoil agus a Fealsúnacht

Ráiteas Físe

Is í uaillmhian an choláiste caighdeán den scoth a bhaint amach maidir le Gaeloideachas, feasacht teanga, caighdeán múinteoirreachta, imeachtaí seach-churaclam agus cultúrtha. Chomh maith leis sin is í físe an choláiste go mbeidh scoláirí Coláiste Cois Life ullamh glacadh go díograiseach leis na dúshláin a bheidh rompu sa saol amach anseo.

Ráiteas Misin

Is Coláiste Pobail LánGhaeilge ainmnithe é Coláiste Cois Life le hÉiteas Caitliceach a chuireann oideachas iomlánaíoch ar fáil do gach scoláire i dtimpeallacht shlán shábhálte ina féidir le gach scoláire a mbuanna uile a bhaint amach.

Cruthaítar suíomh foghlama ina ndéantar freastal ar chúram na scoláirí in atmaisféar iontaobhe, dearfach, cabhrach, spioradálta agus cairdiúil. San atmaisféar seo beifear ag súil go dtiocfaidh rath ar gach scoláire ionas go mbeidh siad in ann a dtualangach a chomhlíonadh agus go mothóidh gach ball de phobal an choláiste go bhfuil siad fiúntach, tábhachtach agus go bhfuil meas orthu.

Cuirimid romhainn i gColáiste Cois Life ár scoil a reachtáil mar ionad léinn ina mbeidh traidisiúin fhiúntacha na hÉireann faoi réim, ár gcreideamh, ár dteanga, ár gceol, agus gach gné eile den chultúr Gaelach. Sa scoil cuirfidh na daltaí aithne ar ghnéithe luachmhara an tsaoil trí dhea-shampla, trí chomhairle agus trí chairdeas le foireann na scoile.

Déanaimid iarracht pearsantacht iomlán an dalta a fhorbairt, a thuiscint ar an gceart, ar an léann, ar an tsaoirse, ar an bhféinsmacht agus comhbhá le daoine eile. Tuigimid a thábhacthaí is atá sé go mbeidh tuismitheoirí rannphárteach linn agus na luachanna seo á gcur chun cinn sa scoil, sa bhaile agus sa saol.

Is le cabhrú leis na hAidhmeanna seo a chomhlíonadh a cuireadh an Polasaí seo le chéile i bpáirt le bainistíocht, foireann teagaisc, tuismitheoirí agus daltaí na scoile. Tá an polasaí ag teacht leis na hAidhmeanna seo agus le sainmheon Caitliceach na scoile agus cuireann sé ar chumas dhaltaí meon agus luachanna a fhorbairt i leith a ghnéasachta féin i gcreatlach mhorálta, spioradálta agus shóisialta. Tugnn sé an deis dóibh freisin foghlaim i dtaobh caidrimh agus gnéasachta i mbealaí a chabhraíonn leo smaoineamh agus gníomhú i mbealach freagrach.

B Scóip

Baineann an polasaí seo le gach gné den teagasc agus den fhoghlaím maidir le hOideachas Caidrimh agus Gnéasachta (OCG). Tarlaíonn comhphlé maidir leis an ghné seo den churaclam i ranganna eile chomh maith le hOideachas Sláinte agus OCG agus tá sé tábhachtach go mbeidh na múinteoirí ar fad chomh maith le bainistíocht, tuismitheoirí, daltaí agus aoichtainteoí / éascaitheoirí ar an eolas maidir leis an bpolasáí.

I ndréachtadh an pholasaí seo cuireadh an reachtaíocht, treoirlínte éagsúla, na polasaithe scoile agus na ciorcláin seo a leanas san áireamh chomh maith le sainmheon na scoile:

- An tAcht Oideachais 1998
- An tAcht Oideachais (Leas) 2000
- Ciorcláin 0023/2010, M4/95, M20/96 (Roinn Oideachais agus Scileanna)
- Tús Áite do Leanaí – Treoir Náisiúnta um Chosaint Leanaí
- Nósanna Imeachta maidir le Caomhnú Leanaí i mBunscoileanna agus Scoileanna Iarbhunscoile (Roinn Oideachais agus Scileanna)

- Polasaí na Scoile maidir le Caomhnú Leanaí
- Polasaí Tréadchúraim na Scoile
- Polasaí lompair na Scoile
- Polasaí Frithmhaistíneachta

C: Sainmhíniú ar Oideachas Caidrimh agus Gnéasachta

Tá an t-Oideachas Caidrimh agus Gnéasachta mar chuid lárnach d'fhorbairt sóisialta agus phearsanta an dalta. Cuireann na tuismitheoirí, mar bhunoideachasóirí a bpáistí, eolas faoi seo ar fáil sa bhaile agus tacaíonn an scoil leis an oideachas seo trí ranganna a chur ar fáil a thugann deis do na daltaí tuiscint agus meon dearfach a fhorbairt i mbealach struchtúrtha ar chaidrimh dhaonna, ar ghnéasacht agus ar fhéiniúlacht. Déantar seo i slí a chuireann ar a gcumas luachanna a fhorbairt bunaithe ar chreat mórlaita, spioradálta agus sóisialta.

D: Oideachas Caidrimh agus Gnéasachta laistigh den Oideachas Sóisialta, Pearsanta agus Sláinte

Cuireann an t-Oideachas Sóisialta, Pearsanta agus Sláinte (OSPS) ar chumas na ndaltaí scileanna tábhachtacha a fhorbairt agus foghlaim faoi aire a thabhairt dóibh féin agus do dhaoine eile. Ar an mbealach seo cuirtear ar a gcumas páirt fheagrach agus eolach a ghlaicadh sa tsochaí agus cinntí freagracha a thógáil faoina sláinte féin a léiríonn meas ar a ndínit féin agus ar dhínit dhaoine eile. Is foghlaim bhíse (spiral) ata i gceist atá aois-oiriúnach maidir le modheolaíocht agus le hábhar. Clúdaíonn OSPS réimsí a bhfuil dlúthbhaint acu le forbairt dearcadh sláintíúil i leith gnéasachta sa dalta féin agus in a chaidreamh le daoine eile.

E: Aidhmeanna ár gclár Oideachas Caidrimh agus Gnéasachta

Tá an clár OCG suite taobh istigh de chreatlach an chláir OSPS agus tá na haidhmeanna seo a leanas aige;

- Cabhrú le daltaí cairdis agus caidrimh a thuiscint agus a fhorbairt
- Tuiscint ar an ngnéasacht a chur chun cinn
- Meon dearfach a chur chun cinn i dtaobh a ghnéasachta sa duine féin agus ina chaidrimh le daoine eile
- Eolas agus meas ar an atáirgeadh a chur chun cinn

Admhaítéar gur mianaidhmeanna iad seo i gcúrsa atá teoranta ó thaobh ama de.

F: Bainistiú agus eagrú Oideachas Caidrimh agus Gnéasachta inár Scoil

1. Is é an Príomhoide a dhéanfaidh na socruithe maidir le múineadh an chláir agus a leagfaidh an fhoireann amach.

2. Ról na dTuismitheoirí / Aistarraingt

Is iad na tuismitheoirí príomhoideachasóirí a bpáistí agus aithníonn an scoil an ról tábhachtach atá acu san oideachas maidir le caidreamh agus gnéasacht. Dréachtadh an polasaí seo i gcomhairle le hionadaithe na dTuismitheoirí agus cuirfear tuairimí na dtuismitheoirí san áireamh nuair a bheidh an polasaí á athbhreithniú. Cuirfear an polasaí seo ar fáil do phobal na scoile ar shuíomh idirlín na scoile.

Cuirfear litir agus foirm cheada ar ag tuismitheoirí nuair a bheidh an modúl OCG den chláir OSPS le tosú ag túis na sraithe sóisearaí agus arís ag túis na sraithe sinsearaí ag leagan amach na dtopaicí a chlúdófar. Cuirfear in iúl dóibh freisin go bhfuil sé de cheart acu a bpáiste a aistarraingt ach go gcaitfear seo a chur in iúl i scríbhinn. Pléifear go tuisceanach le haon bhuairt nó imní a léirítéar.

Cuirfear socruithe cuí i bhfeidhm do dhaltaí a aistharaingítear. Ag an am céanna, cinnteofar nach mbaintear an bonn den chlár OCG agus teidlíocht na ndaltaí eile. Má tá tuismitheoir ag iaraidh a bpáiste a bhaint, beidh orthu cruinníú a eagrú leis an bPríomhoide agus comhordaitheoir OSPS.

3: Comhairle a chur ar fáil

Is é ról na scoile ná oideachas ginearálta a chur ar fáil i dtaobh cúrsaí gnéasachta agus ní comhairle ná eolas, ná stiúradh a thairiscint don duine aonair. Tabharfar faisnéis ar fhoinsí eolais agus comhairle ghairmiúil, áfach, nuair is cuí.

4. Saincheisteanna

Tharlódh nach mbeadh sé oiriúnach déileáil le ceisteanna neamhbhalbha áirithe sa rang, tá cead ag múinteoirí a rá nach cuí déileáil leis an gceist sin ag an am seo. Má thagann immí ar mhúinteoir faoi aon ní a ardaíodh ba cheart dó/di comhairle a lorg ón gComhordaitheoir OSPS nó ón bPríomhoide. Agus é/i ag socrú ar cheisteanna a fhreagairt nó gan a fhreagairt ba chóir dó/di aois agus inmhe na scoláirí, an t-ábhar atá sa chlár OCG, sainmheon na scoile, agus an polasaí OCG a chur san áireamh.

5: Rúndacht

Is é polasaí na scoile é go gcaithfidh múinteoir dul i gcomhairle láithreach leis an Duine Idirchaidreamh Ainmnithe (an Príomhoide) má mheastar go bhfuil dalta i mbaol mí-úsáide de chineál ar bith nó ag sárú an dlí. Cinnfidh an Príomhoide ar na tuismitheoirí agus/nó na húdaráis chuí a chur ar an eolas ná gan iad a chur ar an eolas de réir na Nósanna Imeachta maidir le Caomhnú Leanaí i mBunscoileanna agus i Scoileanna larbhunscoile (An Roinn Oideachais agus Scileanna) 4.1.1 agus 4.1.2.

Tá an méid seo leanas ina pholasaí scoile chomh maith:

- Ní féidir le múinteoirí rúndacht gan choinníoll a gheallúint.
- Cuirtear in iúl do dhaltaí go bhféadfaí teagmhas ar bith a chur in iúl don Phríomhoide nó do thuismitheoirí, b'fhéidir, má chineann an Príomhoide go bhfuil sé chun leasa an dalta é a chur in iúl do thuismitheoir.
- Caithfidh múinteoirí a chur in iúl do dhaltaí go soiléir nuair nach féidir ábhar chomhrá a choimeád faoi rún.

6: Gnéithe Bitheolaíochta den Chlár

-Is é polasaí na scoile é go ndéileálann Roinn na hEolaíochta go príomhúil le saineolas ar gnéithe bitheolaíochta an atáirgthe.

7: Feidhm a bhaint as aoichainteoirí agus eile

- Is é polasaí na scoile é gur fearr an chuid is mó den chlár OCG a phlé go hosailte le múinteoirí a bhfuil aithne ar na daltaí orthu agus muinín acu as/aisti. Is féidir le cuairteoirí caighdeán an tsoláthair a fheabhsú, áfach, chomh fada agus a úsáidtear iad i dteannta chláir phleanáilte OCG, ní ina ionad.
- Má shocraítear ar aoichainteoir seachtrach nó ceardlann seachtrach a chur ar bun ar ghné den chlár, caithfidh an múinteoir an treoir atá leagtha amach d'aoichainteoirí a leanacht agus cead a fháil ón bPríomhoide roimh ré.
- Cuirfear tuismitheoirí ar an eolas i scríbhinn maidir leis an aoichainteoir / ceardlann seachtain roimh ré.
- Cinnteoidh an múinteoir go bhfuil ábhar na cainte aois-oiriúnach agus ag teacht leis an gclár don OCG.

- Cuirfear cuairteoirí ar an eolas faoin bpolasaí OCG agus faoi shainmheon na scoile agus an modh ina chuirtear an clár OCG i láthair sa scoil. Beidh an múinteoir i láthair don chaint in éineacht leis an aoichtainteoir.
- Chun eolas cruinn a thabhairt don chuaireoir faoi riachtanais an ghrúpa agus chun an leas is fearr a bhaint as an am, tá sé inmholtá an ceisteanna a leagadh amach roimh ré agus iad seo a chur ar aghaidh chuig an gcuaireoir. Cuimseoidh sé seo na daltaí sa chaint agus éascaíonn sé an phleanáil chomh maith.

8. Gnéaschlaonadh

Aithníonn na múinteoirí go bhfuil gnéaschlaontaí éagsúla ann atá inghlactha sa tsochaí agus dá bhrí sin tá sé dosheachanta agus tá sé nádúrtha go ndéanfar gnéaschlaontaí éagsúla a phlé i rith chláir oideachas gnéasachta. Ceann de na buntáistí a bhaineann le ceisteanna maidir leis an homaighnéesachas a chíoradh ná go dtugann sé deis tuairimí agus teoiricí bréagacha a cheartú agus tabhairt faoin réamhchlaonadh. Déanfar plé air seo ag státse atá aois-oiriúnach do na daltaí.

9: Riachtanais Speisialta

Tharlódh go mbeadh daltaí le riachtanais speisialta a mbeadh gá acu le cabhair níos mó agus iad ag foghlaim faoin saghas iompair atá oiriúnach agus iad ag déileáil leis na gnéithe fisiciúla agus mothúchánacha den chlár seo.

Le cead na dtuismitheoirí, cuirfear an tacáiocht agus an chabhair seo ar fáil le hiad a ullmhú don saol agus le hiad a chur ar a n-aire maidir le mí-úsáid ag daoine eile.

10: Pleanáil Clainne / Sláinte Ghnéis

Déileálfar leis an bpleanáil clainne i mbealach aois-oiriúnach agus breithneofar gach gné den cheist go hosailte.

Cuirfear eolas aois-oiriúnach ar fáil sa tsraith shinsearach maidir le nósanna sábháilte gnéis agus ionfhabhtuithe gnéas-tarchurtha.

G Soláthar an Chláir sa scoil

Cuirtear modúl den OCG ar fáil do gach bliainghrúpa sa scoil sa tSraith Shóisearach agus sa tSraith Shinsearach. Déantar OCG sa tSraith Shóisearach sna ranganna OSPS. Beidh sé rang OCG i mbliain a ceathair, cúig agus sé.

H Tacáiocht, forbairt agus athbhreithniú leanúnach

Oiliúint

Ní gá go mbeadh na múinteoirí go léir atá gafa leis an obair seo ina saineolaithe i dtaobh na gceisteanna a bhaineann leis an ábhar seo. Is gá, áfach, go mbeidís íogair do riachtanais an ghrúpa, go mbeadh sé ar a gcumas déileáil le ceisteanna go hosailte agus go macánta laistigh de shainmheon na scoile agus i gcomhthéacs grá Dé agus go mbeidís toilteanach comhairle agus oiliúint a fháil.

Éascóidh an scoil do na múinteoirí sainoiliúint a fháil sa réimse seo trí chur ar a gcumas freastal ar chúrsaí inseirbhíse.

Ní chuirfear OSPS ar chlárama múinteora gan dul i gcomhairle leis an múinteoir ar dtús.

Tabharfar deis do na múinteoirí cruinnithe a bheith acu leis an gclár a phleanáil agus le saineolas a roinnt.

Acmhainní

Ceannóidh an scoil ábhair chuí do mhúineadh OCG atá sainaitheanta ag an bhfoireann mar ábhair úsáideacha agus atá faofa ag an bPríomhoide, laistigh den ghnáthbhuiséad agus de réir mar a cheadaíonn acmhainní ginearálta na scoile é.

Monatóireacht, measúnú agus athbhreithniú an chláir OCG

Táimid tiomanta do mhonatóireacht agus measúnú éifeachtach an chláir seo. Déanfar an mhonatóireacht agus measúnú trí:

- aiseolas ó dhaltaí
- athbhreithniú agus aiseolas ón bhfoireann teagaisc
- aiseolas ó thuismitheoirí

Topaicí le plé sa tSraith Shóisearach

Forbairt agus fás daonna

-Timthriall na Beatha

- Cumarsáid agus Meas

- Mothúcháin agus Ógántacht

- Teanga le Mothúcháin a chur in iúl

- Caithreachas, Corpfeasacht agus Cúram Coirp

- Íomhá Coirp

- Atáirgeadh an Duine

- Míorúilt Beatha Nua

-Torthúlacht, Toircheas agus Breith

- Toircheas sna Déaga / Impleachtaí le gníomhaíocht ghnéasach

Gnéasacht dhaonna

- Caidreamh

- Féinmheas

- Piarbhrú

- Feasacht maidir le cothromaíocht agus éagsúlacht

- Feasacht maidir le leatrom agus steiréitíopáil

- Meas ar ghnéasacht agus tuiscint ar na freagrachtaí a théann léi;

- Scileanna le shábhailteacht phearsanta a chur chun cinn

(Ábhar acmhainní don Oideachas Caidrimh agus Gnéasachta – larbhunoideachais, an tSraith Shóisearach & an tSraith Shinsearach foilsithe ag Roinn Oideachais agus Scileanna 1999)

Topaicí le plé sa tSraith Shinsearach

- Cumarsáid

- Cumarsáid threallúsach / Láimhseáil coimhlintí

- Ag deileáil le mothúcháin

- Atáirgeadh an duine

- Gnéasacht an duine

- Tuismitheoireacht fhreagrach

- Impleachtaí gníomhaíochta gnéasaí

- Imfhabhtuithe gnéas-tarchurtha

- Caidreamh grámhar

- Pósadh

- Tacaíocht beatha
- Ag glacadh le claontaí gnéasacha
- Ionsaí /Ciapadh gnéis
- Gan toilliú
- Mí-úsáid ghnéis

(Ábhar acmhainní don Oideachas Caidrimh agus Gnéasachta –
an tSraith Shóisearach & an tSraith Shinsearach foilsithe ag Roinn Oideachais agus Scileanna 1999)

Moltar athbhreithniú a dhéanamh ar an mbeartas seo gach trí bliana nó nuair a mheasann an Bhainistíocht Scoile go bhfuil sé riachtanach.

Ghlac Bord Bainistíochta Coláiste Cois Life leis an bpolasaí ar an 29 Samhain 2021

Sínithe: Dónal Ó Sé

Dáta: 29/11/2021

Cathaoirleach an Bhoird Bhainistíochta

Sínithe: Tomás Ó Domháin

Dáta: 29/11/2021

Rúnaí an Bhoird & Príomhoide na Scoile